



REPUBLIKA E SHQIPERISË
MINISTRIA E MJEDISIT
AGJENCIA KOMBËTARE E MJEDISIT
DREJTORIA E SHQYRTIMIT DHE MONITORIMIT TË LEJEVE MJEDISORE DHE VNM

AN110820260140

Tiranë, më 14.08.2026

Komisioni 93

DEKLARATË MJEDISORE

Në mbështetje të Ligjit Nr. 12/2015 “Për disa ndryshime në ligjin nr. 10440, datë: 07.07.2011, “Për Vlerësimin e Ndikimit në Mjedis”, VKM 714, datë: 06.11.2019, për disa ndryshime dhe shtesa në VKM 686, datë: 29.07.2015, “Për miratimin e rregullave, përgjegjesive e afateve, për zhvillimin e procedurës së transferimit të Vendimit e Deklaratës Mjedisore”, të ndryshuar, dhe me propozim të Agjencisë Kombëtare të Mjedisit, Ministri

VENDOSI:

Lëshimin e Deklaratës Mjedisore për **Zhvilluesin** me të dhënat si më poshtë:

Personi Juridik: “ **Explo-Chem Industries ” sh.p.k**

Nr. NIPT-i: **M42016014B**

Adresa e selisë: Pasuria shtetërore nr 15/6, 15/7, 15/8, 15/9 Polican, Berat.

Personi përgjegjës: Devrim Gülsuna

Për të zhvilluar projektin: “ **Aktiviteti, prodhimit të eksplozivë (për përdorim civil) ”.**

Aplikimi është bërë referuar ligjit Nr. 10 440, date: 7.7.2011 “Për Vlerësimin e Ndikimit në Mjedis”, Shtojca I, “Projektet që i nënshtrohen Proedurës së Thelluar të Vlerësimit të Ndikimit në Mjedis”, Pika 6. Instalime të integruara kimike, domethënë instalime për prodhimin në shkallë industriale të substancave që përdorin proceset e shndërrimit kimik, ku shumë njësi janë vendosur përballë njëra tjetrës dhe janë të lidhura funksionalisht me njëra-tjetrën për: dh) për prodhimin e eksplozivëve.

Vendndodhja: në objektet e zones ushtarake Poliçan, Bashkisë Poliçan.

Të dhëna teknike:

Godina e prodhimit te ANFO-s ze nje siperfaqe te brendeshme 240 m²

Laboratori ka nje siperfaqe 34 m²

Linja e prodhimit ka nje siperfaqe prej 10 m²

Kapaciteti i magazines = 500 ton

(Bashkangjitur vendimit, gjeni aneksin me hartën topografike dhe koordinatat metrike, ku tregohet vendodhja e objektit)

Bazuar në nenin 12, të ligjit nr. 10440, datë 7.7.2011, “Për vlerësimin e ndikimit në mjedis”, i ndryshuar, i sugjerohet autoritetit planifikues:

Miratimi i lejes/licencës së zhvillimit të atij projekti, me kushtet që duhet të përmbushen nga zhvilluesi, për të parandaluar, minimizuar dhe menaxhuar ndikimet negative në mjedis;

Bazuar në pikën 2, të nenit 12, të ligjit nr. 10440, datë 7.7.2011, “Për vlerësimin e ndikimit në mjedis”, të ndryshuar, më poshtë po listojmë:

Ky subjekt është pajisur me Njoftim për fillim procedure në komisionin Nr.74, datë 29.06.2025 sipas mendimeve të mëposhtëme.

1. Qëndrimin e Ministrisë dhe sipas rastit, kushtet që duhet të përmbushen nga zhvilluesi:

Drejtoritë teknike të Ministrisë, shprehin mendimin si më poshtë: Bazuar në raportin e Vlerësimit të Ndikimit në Mjedis të përcjellë për mendim, për veprimtarinë “Aktiviteti i prodhimit të eksplozivëve (për përdorim civil)”, Ish Uzina Mekanke, Zona B, Pasurija Nr. 15, ZK Nr 3019, Bashkia Polican, Qarku Berat, me numër aplikimi AN190620260274, sa i përket fushës së menaxhimit të kimikateve, si dhe asaj të ndryshimeve klimatike, Drejtoria e Klimës shprehet me rekomandimet si më poshtë vijon:

- Në zbatim të legjislacionit përkatës për fushën e menaxhimit të kimikateve, sugjerohet që gjatë ushtrimit të aktivitetit, të mbahen në konsideratë rekomandimet e mëposhtme:

- Subjekti dhe punonjësit duhet të jenë të familjarizuar dhe të respektojnë në mënyrë rigoroze masat dhe rekomandimet për mbrojtjen, sigurinë e njeriut dhe mjedisit, nga kimikatet që do të përdoren për qëllime të këtij aktiviteti, në zbatim të ligjit nr. 27/2016 “Për menaxhimin e kimikateve”;

- Kimikatet ose produktet/artikujt që i përmbajnë ato, që do të përdoren, të jenë të klasifikuara, etiketuara, paketuara dhe të shoqërohen me dokumentacionin me të dhënat e sigurisë kimike (MSDS), sipas kërkesave të legjislacionit në fuqi (VKM-së nr. 488, datë 29.6.2016 “Për klasifikimin, etiketimin dhe ambalazhimin e kimikateve”, si dhe VKM-së nr. 9, datë 9.1.2019 “Për rregullat e detajuara dhe metodat për kryerjen e vlerësimit të sigurisë së kimikatit, si edhe kërkesat specifike, përmbajtja dhe formati i dokumentit me të dhënat e sigurisë”);

- Kimikatet ose produktet/artikujt që i përmbajnë ato, që do të përdoren, të ruhen dhe menaxhohen në mënyrë të sigurt, në zbatim të ligjit nr. 27/2016 “Për menaxhimin e kimikateve”;

- Të respektohet VKM nr. 319, datë 15.5.2019 “Për kufizimet për prodhimin, vendosjen në treg dhe përdorimin e disa kimikateve dhe artikujve të caktuar të rrezikshëm”;

- Gjithashtu me qëllim mbrojtjen e mjedisit, aktiviteti të kryhet në përputhje me Ligjin nr. 74/2021 “Për hedhjen në treg dhe mbikëqyrjen e lëndëve plasëse për përdorim civil”.

• Në zbatim të legjislacionit përkatës për fushën e ndryshimeve klimatike, sugjerohet që gjatë ushtrimit të aktivitetit të respektohen parashikimet dhe detyrimet që rrjedhin nga:

- Ligji nr. 155/2020 “Për ndryshimet klimatike”, i ndryshuar
- Të kryhet rehabilitimi i plotë i sipërfaqeve të dëmtuara si rezultat i shkarkimeve apo depozitimeve të lëndëve të para apo produktit jashtë godinave, magazinave apo vendet e përcaktuara për depozitim, proces teknologjik deri në ruajtje të lëndës dhe produktit.

Drejtoria e Menaxhimit të Integruar të Mbetjeve shprehet: Aplikuesi, i cili në aplikimin AN190620260268 datë 19.06.2026, kërkon të pajiset me VNM praprake, duhet të përmbushen detyrimet për menaxhimin e mbetjeve, në zbatim të kuadrit ligjor në fuqi, në fushën e mbetjeve, si më poshtë vijon:

1. Të zbatohet Ligji nr. 57, date 16.10.2025 “Për menaxhimin e integruar të mbetjeve”.
2. Mbetjet që do të krijohen, të specifikohen sipas kodeve të Vendimit të Këshillit të Ministrave nr. 402, datë 30.06.2021 “Për miratimin e katalogut të mbetjeve”.
3. Të respektohen kërkesat e VKM nr. 418, date 25.06.2014 “Për grumbullimin e diferencuar të mbetjeve në burim”.
4. Të zbatohen kërkesat e VKM nr. 575, datë 24.6.2015 “Për miratimin e kërkesave për menaxhimin e mbetjeve inerte”.
5. Transferimi i mbetjeve jo të rrezikshme të shoqërohet me plotësimin e shtojcës 1 të Vendimit të Këshillit të Ministrave nr. 229, datë 23.04.2014, “Për miratimin e rregullave për transferimin e mbetjeve jo të rrezikshme dhe të dokumentit të transferimit të mbetjeve jo të rrezikshme”, të ndryshuar.
6. Mbetjet e rrezikshme, të dorëzohen sipas Vendimit të Këshillit të Ministrave nr. 371, datë 11.06.2014 “Për përcaktimin e rregullave për dorëzimin e mbetjeve të rrezikshme dhe miratimin e dokumentit të dorëzimit të mbetjeve të rrezikshme”, të ndryshuar.
7. Subjekti që do të transportojë ose do të transferojë mbetjet të jetë i pajisur me liçensë III.2.B, si detyrim i nenit 68, të ligjit nr. 57, date 16.10.2025 “Për menaxhimin e integruar të mbetjeve”.
8. Për të gjitha mbetjet nga ambalazhet të zbatohet Vendimi i Këshillit të Ministrave nr. 177, datë 06.03.2012, “Për ambalazhet dhe mbetjet e tyre”, i ndryshuar. Në veprimtarinë për të cilën aplikon subjekti, menaxhimi i mbetjeve të bëhet sipas parimit të përgjegjshmërisë ndaj mjedisit, në përputhje me VKM nr. 418, datë 27.5.2020 “Për miratimin e Dokumentit të Politikave Strategjike dhe të Planit Kombëtar për Menaxhimin e Integruar të Mbetjeve, 2020m 2035”, duke synuar uljen e sasisë së mbetjeve të gjeneruara dhe menaxhimin e integruar të mbetjeve.

Drejtoria e Biodiversitetit për këtë aktivitet shpreh se është jashtë fushës sonë të përgjegjësisë.

Agjencia Kombëtare e Zonave të Mbrojtura shprehet: Bazuar në dokumentacionin e aplikimit, sipërfaqja ku do të zhvillohet aktiviteti “Aktiviteti, prodhimit të eksplozivë (për përdorim civil), Ish Uzina Mekanike, Zona B, pasuria nr. 15, zk. nr. 3019, Bashkia Poliçan, Qarku Berat, me zhvillues “Explo-Chem Industries” dhe aplikues “STUDIOPROJEKT”, me nr. Aplikimi AN190620260274, nuk ndodhet brenda rrjetit të zonave të mbrojtura.

Ministria e Infrastruktura dhe Energji shprehet: Në vijim të aplikimit të depozituar në sistemin elektronik të lejeve, me Nr. aplikimi AN190620260274, për të cilin keni kërkuar mendim për VNM e

thelluar - Njoftim, për objektin: “Aktiviteti, prodhimit të eksplozivë (për përdorim civil)”, me zhvillues Shoqëria “ExploChem Industries” sh.p.k., ju bëjmë me dije se:

Referuar tipologjisë dhe funksionit të objektit të sipërcituar, vlerësimi i këtij projekti është jashtë fushës së përgjegjësisë dhe veprimtarisë së Ministrisë së Infrastrukturës dhe Energjisë në zbatim të Vendimit të Këshillit të Ministrave nr. 508, datë 25.09.2025 “Për caktimin e fushës së përgjegjësisë shtetërore të Ministrisë së Infrastrukturës dhe Energjisë

Agjencia e Menaxhimit të Burimeve Ujore shprehet: Në përgjigje të kërkesës suaj mbi aplikimin për njoftim për VNM të thelluar të aplikantit “Studioprojekt” shpk me zhvillues projekti subjektin “Explo-Chem Industries” shpk, në lidhje me projektin: “Aktiviteti, prodhimit të eksplozivëve (për përdorim civil)” me vendndodhje Bashkia Poliçan, me të dhënat Nr. AN190620260274, datë 19.06.2026, ju sqarojmë se:

Referuar gjurmës së zonës që do të zhvillohet projekti, që rezulton prej koordinatave të dhëna në dokumentin “Raporti Teknik” të paraqitur nga ju, të dhënave për trupat ujorë sipas shtresës Hidrografia në Gjeoportalin ASIG, rezulton se projekti i zhvillimit nuk është në kundërshtim me përcaktimet e legjislacionit për burimet ujore.

Agjencia Rajonale e Mjedisit shprehet: Subjekti “EXPLO-CHEM INDUSTRIES”, ka aplikuar për VNM e Thelluar-Njoftim me dokumentacionin përkatës. ARM Berat-Elbasan-Korçë në mbështetje të VKM 686 datë 29.07.2015 ka dërguar kërkesë për mendim pranë Bashkisë Poliçan e cila nga ana e saj ka kthyer përgjigje pozitive për zhvillimin e këtij aktiviteti. Nisur nga dokumentacioni i ardhur dhe verifikimi në terren, ARM Berat-Elbasan-Korçë shprehet për vazhdimin e procedurave për pajisje me VNM dhe njëkohësisht është e mendimit që komisioni i VNM-së gjatë shqyrtimit të kërkesës së subjektit, të marrë parasysh edhe disa kushte të sugjeruara nga ana jonë:

1. Sheshi duhet të jete i shtruar dhe me gjelberim deri në 30% të sipërfaqes së ndertimit.
2. Subjekti duhet të beje lagjen e territorit në kohe të thate për të mos krijuar pluhura gjatë levizjes së automjeteve për në sheshin e punës.
3. Të kryhet kontrolli periodik i të gjitha pajisjeve të përdorura nga subjekti gjatë ushtrimit të aktivitetit.
4. Prodhimi i municioneve të kryhet në kushte të rrepta sigurie për të mos patur ndikime në mjedisin përreth dhe të mos hyjë nënjëz të paautorizuar.
5. Mbetjet teknologjike (skarco), që përmbajnë gjurmë të lëndëve plasëse, të grumbullohen në mënyrë të kontrolluar në kontenerë të veçantë, të identifikuar dhe të vendosur në zonë të sigurta brenda territorit të impiantit.
6. Të përdoren mjetet e mbrojtjes individuale në punë si: kapele, rrobat me çizme pune, doreza, maskat e mbrojtjes nga pluhuri, gazrat dhe tapa veshi për zhurmat, uniforme të vecanta etj.
7. Kamionët transportues me material duhet të jenë të mbuluar kur qarkullojnë në rrugë.
8. Lagje e rrugëve të aksesit dhe ambienteve të punës me një bot uji që duhet të jetë gjithmonë prezent në kantier.

Bashkia Poliçan shprehet: Në përgjigje të apikimit tuaj në sistemin e-Leje, me nr. Aplikimi AN190620260274, datë aplikimi 19.06.2026, për dhënie mendimi për VNM paraprake, me objekt: "Prodhimi Eksplozivë për Përdorim Civil", për zhvilluesin “EXPO- CHEM INDUSTRIES” shpk me Nr. NUIS M42016014B, me vendndodhje Shteti Shqipëri, Qarku Berat, Prefektura/nenpref: Berat, Bashkia Poliçan, Njësia Administrative Poliçan, (Pasuria Shtetërore, nr.15/6, 15/7, 15/8, 15/9 Poliçan, Skrapar,

Berat, si dhe në mbështetje të VKM -së nr.714, datë 06.11.2019, për disa ndryshime dhe shtesa në vendimin nr. 686, datë 29.07.2015, të Këshillit të Ministrave, " Për miratimin e rregullave, të përgjegjësisë e të afateve për zhvillimin e procedurës së Vlersimit të Ndikimit në Mjedis (VNM) dhe procedurës së transferimit të vendimit të deklaratës mjedisore", Kreu I, Pika 5, ju informojmë se:

Bashkia Poliçan jep mendim pozitiv për VNM e Thelluar për zhvilluesin "EXPOCHEM INDUSTRIES" me Nr. Nr. NUIS M42016014B.

2. Informacion për procesin e realizuar të konsultimit me publikun:

Konsultimi me publikun: Në datë 05.08.2026 ora 11:00, në ambjentet e Ish. Uzinës së armëve Poliçan, Zona B, në ku ushtron aktivitetin subjekti "EXPO-CHEM INDUSTRIES" Sh.p.k. u organizuan dëgjesa me publikun për aktivitetin: "Impjant prodhimi eksploziv".

Në takim morën pjesë: Banorë të zonës përreth, përfaqësues nga ARM Berat-Elbasan-Korçë, Z.Ilirjan Çuedari, përfaqësues nga Bashkia Poliçan Znj.Ornela Nurellari, përfaqësues të subjektit, Z.Hiqmet Sinani dhe Z.Endri Çunaj, përfaqësues nga studio Z.Denis Stasa si dhe Eksperti mjedisit Z.Bardhyl Shushka.

Nga ana e zhvilluesit ishin kryer njoftimet përkatëse dhe u shpërnda materiali.

Takimin e hapi Z.Denis Stasa i cili informoi banorët e zonës në lidhje me aktivitetin që do të zhvillohet. Eksperti mjedisit Z.Bardhyl Shushka, bëri prezantimin e projektit si dhe foli mbi ndikimet negative, masat zbutëse dhe rehabilituese.

Përfaqësuesi ARM-së informoi pjesëmarrësit mbi legjislacionin mjedisor, të drejtën e informimit të publikut, detyrimet që rrjedhin nga legjislacioni në ngarkim të subjektit.

Më pas fjala u kaloi pjesëmarrësve.

Nga pjesëmarrësit në takim nuk u drejtuan pyetje apo ankesa.

Në fund të takimit të gjithë pjesëmarrësit, japin dakortësinë për zhvillimin e aktivitetit ID: 4.6, "Prodhimi i eksplozivëve", të subjektit: "EXPO-CHEM INDUSTRIES". Takimi zgjati 50 minuta.

3. Arsyet dhe konsideratat kryesore, ku është mbështetur mendimi;

Zhvillimi i aktivitetit është në përputhje me:

- Në mendimin e anëtarëve të Komisionit 93, datë 14.08.2026, i mbledhur në zbatim të Urdhërin nr.15, datë 20.01.2026, për "Krijimin e komisionit teknik për shqyrtimin e kërkesave që i nënshtrohen procedurës paraprake dhe të thelluar të vlerësimit të ndikimit në mjedis".
- Në mendimet e institucioneve mendimdhënëse
- Njoftimin për fillim procedure në komisionin Nr.74, datë 29.06.2026.

4. Përshkrimin, sipas rastit, të masave kryesore që duhen marrë për të shmangur, reduktuar e nëse është e mundur, për të korrigjuar efektet negative të rëndësishme:

4.1 Ky objekt të ndërtohet në përputhje të plotë me Planin e Përgjithshëm Vendor dhe Planin e Detajuar Vendor, të miratuar nga organet kompetente (KKT / Bashkia / Njësi Administrative) dhe akteve ligjore dhe nënligjore në fuqi.

- 4.2 Ky vendim nuk është leje zhvillimi përfundimtare për zbatimin e këtij projekti, por është një dokument i cili lëshohet me kusht që në rast se do të zhvillohet ky aktivitet, duhet të zbatohet kushtet e vendosura si detyrim që vjen nga Ligji Nr. 10431, datë 9.6.2011 “Për Mbrojtjen e Mjedisit”, si dhe Ligji nr. 10 440, datë 07.07.2011 “Për Vlerësimin e Ndikimit në Mjedis”, të ndryshuar, KREU I, Neni 1, Pika a); KREU II, Neni 7, Pika 1; KREU V, Neni 20, Pika 1.
- 4.3 Të instalohet sistemi i eliminimit dhe kapjes së pluhurave, nëpërmjet sprucimit me ujë. (Ky sistem, të detajohet qartë me skica, planimetri etj në aplikimin për Leje Mjedisore)
- 4.4 Të kontrollohen kushtet teknike të mjeteve të punës në mënyrë periodike për të evituar, parandaluar rrjedhjet e lubrifikantëve e të hidrokarbureve në mjedis, emetimin e gazeve të shkaktuara nga avari teknike të mjeteve të subjektit.
- 4.5 Të respektohet distanca nga rruga, gjatë fazës së instalimit dhe kryerjes së punimeve, sipas legjislacionit në fuqi.
- 4.6 Përdorimi i pajisjeve, automjetet, që emetojnë nivele zhurmash brenda normave të lejuara të emetimit 60 – 100 db.
- 4.7 Subjekti të realizojë në mënyrë të menjëhershme çdo ndërhyrje teknike për të riparuar çdo fenomen negativ në mjedis si pasojë e veprimtarisë së tij.
- 4.8 Ky Vendim është i vlefshëm pasi subjekti të marrë miratim nga institucionet përkatëse për këtë lloj aktiviteti, bazuar në ligjin Nr. 111/2012 “Për Menaxhimin e Integruar të Burimeve Ujore”, i ndryshuar, si dhe Vendimin nr. 550, datë 15.7.2020 të Këshillit të Ministrave subjekti duhet si me poshte:
- Gjatë punimeve të mos ketë dëmtime të trupave ujqor në të gjithë gjatësinë e tij, nëse ka;
 - Gjatë fazës së punimeve për ndërtimin e rrugës, të mos depozitohen dhera apo materiale nga germimet, apo cdo lloj materiali tjetër ndërtimi në shtratin e trupit ujqor nëse ka,
 - Nëse ka, të mos bllokohet në asnjë rast rrjedhja e ujqit ,
 - Gjatë punimeve të mbahet në kontroll, duke prekur sa më pak të mundet seksionin e gjallë të rrjedhës;
 - Të ndalohet shkarkimi i ujqerave të ndotura nga larja e mjeteve të ndërtimit në drejtim të burimit ujqor;
- 4.9 Në raste aksidentesh ose defektesh teknologjike që shkaktojnë ndotje të mjedisit, subjekti menjëherë duhet të jap informacion në ARM-në e qarkut përkatës dhe AKM, të cilat bëjnë të mundur njoftimin e popullatës që preket nga ky aksident.
- 4.10 Sistemi i mbrojtjes kundër zjarrit dhe masat mbrojtëse ndaj aksidenteve të papritura gjatë fazës së instalimit dhe funksionimit.
- 4.11 Të respektohet norma e shkarkimeve në ajër sipas VKM Nr. 435, datë 12.9.2002 “Për miratimin e normave të shkarkimeve në ajër në Republikën e Shqipërisë”.
- 4.12 Të kontrollohen kushtet teknike të mjeteve të punës në mënyrë periodike për të evituar, parandaluar rrjedhjet në mjedis, emetimin e gazeve të shkaktuara nga avari teknike të mjeteve.
- 4.13 Të respektohet distanca nga rruga, gjatë fazës së instalimit dhe funksionimit, sipas legjislacionit në fuqi.
- 4.14 Të mbillen pemë në të gjithë perimetrin e zonës për të minimizuar ndikimet në mjedis dhe përmirësuar pejsazhin.
- 4.15 Të bëhet pastrimi i mjeteve të punës para daljes nga kantieri i ndërtimit për të mos shkaktuar ndotje në mjedis.
- 4.16 Të merren masa për mbrojtjen e biodiversitetit të zonës.

- 4.17 Personi përgjegjes teknik për zhvillimin e aktivitetit duhet të jetë i informuar për bazën ligjore të pyjeve në fuqi dhe për zbatimin e tyre.
- 4.18 Mbetjet që gjenerohen nga procesi i punimeve të trajtohen në përputhje me legjislacionin në fuqi, për Menaxhimin e Integruar të Mbetjeve.
- 4.19 Të bëhet kontrolli i kushteve teknike në mënyre periodike të mjeteve të punës, për të evituar, parandaluar rrjedhjet e lubrifikanteve dhe hidrokarbureve në mjedis, emetimin e ndotësve në gaz të shkaktuara nga avari teknike të mjeteve.
- 4.20 Të merren masa të sigurimit teknik që punimet të mos kryhen në oraret e papërshtatme dhe mbi normat e lejuara të zhurmave, si dhe të zbatohet Udhëzimi nr.8, datë 27.11.2007 “Për nivelet kufi të zhurmave në mjedise të caktuara”, i ndryshuar.
- 4.21 Të përdoren automjete të mbuluara (të mbyllura ose të mbuluara me mbulesë të posaçme) për transportin e materialeve të thata.
- 4.22 Pastrimi i bimësisë të jetë i kufizuar vetem brenda kufijve ku do të zhvillohet projekti.
- 4.23 Subjekti të respektojë kushtet lidhur me mbrojtjen e biodiversitetit, menaxhimin e pyjeve, emetimet në ajër, shkarkimet e ujërave të ndotura, menaxhimin e mbetjeve etj.
- 4.24 Subjekti të respektojë kushtet lidhur me mbrojtjen e biodiversitetit, emetimet në ajër, shkarkimet e ujërave të ndotura, menaxhimin e mbetjeve etj.
- 4.25 Kompania duhet të respektojë gjithashtu sugjerimet e vendosura në raportin e VNM-së të aplikuar si dhe Ligjin Nr. 10 431, datë 9.6.2011 “Për Mbrojtjen e Mjedisit”.
- 4.26 Objekti të jetë i shtruar me shtresa izoluese dhe fibra të posatshme që nuk lejojnë depërtimin në shtresat e tokës.
- 4.27 Ujërat e ndotura të gjitha kategorive të kapen e trajtohen në një impant të posatshtëm që do të jenë pjesë e projektit.
- 4.28 Zona operationale të kenë sistem të mbledhjes së ujërave sipërfaqësore dhe orientimin e tyre në impjanit e trajtimit të ujërave të ndotura
- 4.29 Të merren masa për sigurimin teknik në ambjentet e kompanisë, të bëhet sistemimi ajrosja e ventilimi i ambjentit.
- 4.30 Grumbullimi, transportimi, i mbetjeve të kryhen nga organet kompetente shtetërore, personat juridikë publikë, si dhe personat fizikë apo juridikë privatë, që janë pajisur me lejen përkatëse për ushtrimin e kësaj veprimtarie
- 4.31 Para fillimit të procesit të punës subjekti duhet të hartojë një plan për administrimin e mbetjeve i cili duhet të rifreskohet cdo tre vjet.
- 4.32 Të bëhet trajnimi i personelit nga personel të certifikuar, për marrjen e të gjitha masat e nevojshme të sigurisë;
- 4.33 Të hartohet rregullorja e brendshme, lidhur me masat e sigurisë së personelit dhe objektit.
- 4.34 Të tregohet kujdes për sigurinë e produktit dhe lëndës së parë, të parandalohen rrjedhjet, të sigurohet mbrojtja nga uji, shiu dhe era, me qëllim eliminimin e aksidenteve gjatë funksionimit të linjës së prodhimit.
- 4.35 Në zonën e magazinimit të lëndës së parë dhe ruajtjes së produktit final, të ndalohet hyrja e
- 4.36 personave të paautorizuar.
- 4.37 Zonat e magazinimit duhet të kenë shenja paralajmëruese në dyert hyrëse, porta ose kapakë.
- 4.38 Nuk duhet të lejohet hyrja e kafshëve dhe elementeve natyrore dhe të parandalohet krijimi i vendeve të shumimit ose burimit të ushqimit për brejtësit ose insektet.

- 4.39 Të jenë marre të gjitha masat e nevojshme që në asnjë rast nuk duhet të shfrytëzohen burimet ujore sipërfaqësore dhe nëntoksore, nëse subjekti nuk ka leje shfrytëzimi nga autoritetet kompetente
- 4.40 Kompania duhet të respektojë gjithashtu kushtet e vendosura në raportin e VNM-së të aplikuar si dhe Ligjin Nr. 10 431, datë 9.6.2011 “Për Mbrojtjen e Mjedisit”.
- 4.41 Në përfundim të punimeve, të rehabilitohet zona e shfrytëzuar.
- 4.42 Duke qënë se gjatë fazës së funksionimit, ky aktivitet do të ketë efekte në mjedis, në bazë të Ligjit Ligj nr. 52/2020, datë 30.4.2020 “Për disa ndryshime në ligjin nr. 10 448, datë 14.7.2011, “Për lejet e mjedisit”, të ndryshuar.

5. Monitorimi dhe Raportimi

Në bazë të Ligjit Nr. 128/2020 Për disa ndryshime dhe shtesa në Ligjin Nr. 10440, datë: 07.07.2011, “Për Vlerësimin e Ndikimit në Mjedis”, të ndryshuar, Neni 25/1 “Monitorimi dhe vlefshmëria”, zhvilluesi ka detyrimet si më poshtë:

- Zhurma dhe Vibracionet

- Të zbatohen nivelet kufi të zhurmës, referuar Udhëzimit Nr. 8, datë 27.11.2007 “Për nivelet kufi të zhurmave në mjedise të caktuara” dhe Ligjit Nr.9774 datë 12.07.2007 “Për vlerësimin dhe administrimin e zhurmës në mjedis”
- Të merren masa për mbrojtjen e punonjësve nga zhurmat.
- Të merren masat për kufizimin e orareve të punës në kantier.
- Operatori duhet të parandalojë gjenerimin e zhurmës impulsive në zonat e ndjeshme ndaj zhurmës, gjatë operimit të instalimeve.
- Vibrimet në vende të ndjeshme nuk duhet të kalojë 10 mm/s (PPV) në çdo kohë.
- Të bëhet monitorimi i zhurmave për mjediset: automjete/kamiona në hyrje të kantierit, kantier ndërtimi dhe mjedisi urban më i afert me kantierin çdo 6 muaj.

Mjedisi	Vlera kufi e zhurmës dB(A) Leq, T Ditë	Vlera kufi e zhurmës dB(A) Leq, T Mbrëmje	Raportimi në AKM	Periodiciteti
Automjete/kamiona në hyrje të kantierit	55	45	16.02.2027	Çdo 6 muaj
Kantier ndërtimi	55	45	16.02.2027	Çdo 6 muaj
Mjedisi urban më i afert me kantierin	55	45	16.02.2027	Çdo 6 muaj

Tabela e niveleve kufi:

- **Shkarkimet në Ajër**
- Të zbatohen nivelet kufi të shkarkimeve në ajër, referuar Ligjit Nr. 162/2014 “Për Mbrojtjen e Cilësisë së Ajrit në Mjedis” dhe VKM Nr. 248, datë: 24.03.2003 “Për Miratimin e Normave të Përkohshme të Shkarkimeve në Ajër dhe Zbatimin e tyre”.
- Shkarkimet në ajër të jenë brenda normave të lejuara, duke marrë masa për reduktimin e tyre.

- Kantieri në të cilin emetohen lëndë grimcore në ajër, duhet të pajiset sipas mundësive teknike dhe mbi bazën e natyrës së procesit, me rrjeta uji / sisteme spërkatje / sisteme heqje pluhurash.
- Të bëhet monitorimi i nivelit të pluhurave në ajër, për mjediset: kantier ndërtimi dhe mjedisi urban më i afërt me kantierin çdo 6 muaj.

Tabela e niveleve kufi

Ndotësi	Përqëndrimi	Raportimi në AKM	Periodiciteti
Lënda grimcore (PM _{2.5})	20-25 µg/m ³	16.02.2027	Çdo 6 muaj
PM ₁₀	50 µg/m ³ , 40 µg/m ³	16.02.2027	Çdo 6 muaj

- Cilësia e ujrave

Parametrat që duhet të monitorohen

Ndotësi	Përqëndrimi	Raportimi në AKM	Periodiciteti
Lëndët në pezulli	50 mg/l	16.02.2027	Çdo 6 muaj

- **Subjekti duhet të sjellë pranë AKM-së si më poshtë:**
 - Informacion në momentin e fillimit të punimeve.
 - Informacion për menaxhimin e mbetjeve inerte. Zotëruesit e mbetjeve inerte duhet të zbatojnë detyrimet që janë të përcaktuara në VKM nr.575, datë 24.06.2015 “Për miratimin e kërkesave për menaxhimin e mbetjeve inerte”, dhe transporti të kryhet nga subjekte të licensuara, të pajisura me Kod Unik.
 - Raportimin periodik për parametrat që do të monitorohen sipas datës së raportimit/çdo 6 muaj.
 - Informacion në përfundim të punimeve, lidhur me punimet rehabilituese të territorit përreth, shoqëruar edhe me foto.
- **Afati i Vlefshmërisë**
 - Vendimi për Deklaratë Mjedisore për projektin e propozuar është e vlefshme për atë kohë sa është i vlefshëm edhe dokumenti i miratimit të zhvillimit për projektin.
 - Nëse projekti, që i është nënshtruar procesit të VNM-së, nuk fillon zbatimin në terren brenda 2 vjetëve nga data e miratimit të deklaratës mjedisore apo të vendimit për VNM-në paraprake, atëherë këto dokumente konsiderohen të pavlefshme dhe procesi i VNM-së fillon nga e para.

Në bazë të udhëzimit të MM dhe MF nr. 7938, datë 17.7.2014 “Për përcaktimin e tarifave dhe vlerave përkatëse për shërbimet që kryen Ministria e Mjedisit për procesin e VNM-së”, ky subjekt ka kryer pagesën 50.000 lekë.


DREJTOR I PËRGJITHSHËM

MARJETA PËRLALA

MINISTRI

SOFJAN JAUPAJ

Aneksi 1. Harta me Koordinatat



koordinatat kufizuese të zonës.

Nr	X	Y
1	4422238	4498117
2	4422346	4498126
3	4422423	4498035
4	4422234	4498038
Sip. 12739 m ²		

